



Inatsisartunut ilaasortaq Aaja Chemnitz Larsen, Inuit Ataqatigiit

**Meeqqat inuusuttullu inissinneqarsimasut pillugit § 37 naapertorlugu apeqqu-
mut nr. 2015-005-imut akissut**

Asasara Aaja Chemnitz Larsen

Meeqqat inuusuttullu angerlarsimaffiup avataanut inissinneqarsimasut pillugit apeqqutinnut qjanaq.

Naalakkersuisunit eqqumaffineqarpoq ukiuni arlaqartuni naammaginngitsumik iliu-
sissatut pilersaarusiortoqartarsimanera aamma kommunini meeqqat inuusuttullu ajor-
nartorsiulersinnaasut pillugit suliaasaqarfimmi naammaginngitsumik pitsaassusilimmik
iliusissatut pilersaarusiortoqartarsimanera.

Iliusissatut pilersaarusiortoqartarsimannginnera / iliuusissatut pilersaarutit amigaa-
qartut ikiorsiissutissat meeqqanut inuusuttunullu inissinneqarsimasunut tunngatillugu
aallartinneqarsimasut pitsaassusaannut ilusilersugaanerannullu pitsaanngitsumik sunni-
uteqartarsimassasut ilimanarpoq. Taamaammat Naalakkersuisut 2014-imi kommunini
inissiisarnermik suliaqartarneq tamakkiisumik qulaajarlugu aamma iliuusissatut
pilersaarutit tamaasa ullutsinnut naleqqussarlugit suliarivaat.

**1. Meeqqat angerlarsimaffiup avataanut inissinneqarsimasut qanoq amerla-
tigisut katsorsarneqarnissamik neqeroorfigineqartarpat?**

**Kissaatigineqarpoq katsorsaanerit suunersut allaaserineqassasut kiisalu
ulloq unnuarlu inissiivinni angajoqqaarsianut inissinneqarsimasut qanoq
agguataarsimaneri.**

Ulloq unnuarlu paaqqinnittarfinnut inissinneqartut tamarmik sulisut pig-
innaasaqarfii aallaavigalugit isumaginninnermi perorsaaniikkut katsorsar-
neqartarput. Ilaatigut aamma meeqqat ataasiakkaat apeqqutaasarput katsor-
saanissap qanoq ittup neqeroorutigineqarnissaanut. Taamaalilluni najugaqartut
ataasiakkaat pisariaqartitaat naapertorlugit katsorsaasoqartarpoq. 'Utaqqisunut
Qitiusumik Allattuiffik' aqutigalugu paaqqinnittarfinnut meeqqanik ataasiak-
kaanik pitsaanerpaamik isumaginninnissamut piareersimasumut inner-
suussisoqartarpoq, tassa paaqqinnittarfiup isumaginninnermi perorsaaniikkut
piginnaasaqarfii aallaavigalugit.

**2. Meeqqanik inissiinerni qanoq amerlatigisuni angajoqqaanut katsorsaanis-
samik neqeroortoqartarpa, meeqqalli taamatut neqeroorfigineqaratik?**

Meeraq inissinneqarsimasoq katsorsarnagu angajoqqaavi katsorsarneqarnis-
samik qanoq akulikitsigisumik neqeroorfigineqartarnersut tamakkiisumik kom-

27.01.2015
Suliap nr. 2015-110 217
All. Nr. 1828476

Postboks 260
3900 Nuuk
Oqarasuaat (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

munini takussutissaqanngilaq. Naalackersuisoqarfiup kommunit attaviginiarpai qinnuigalugillu naatsorsuutininik nassiusseqqullugit.

3. Meeqqat inuusuttullu angerlarsimaffiup avataani inissinneqarsimasut qanoq ittunik ikiorsiissutinik neqeroorfigineqartarpat, inissiinerup sania-tigut?

Suliassaqarfimmi kommunit neqeroorutigisartagaannut Meeqqanik inuusuttunillu ikiorsiisarneq pillugu Inatsisartut peqqussutaanni nr. 1, 15. april 2003-meersumi § 9 aallaavigineqarpoq, tassani inissiiffissatut periarfissat kommunit neqeroorutigisinnaasaat arlallit allassimapput. Inissiiffiusinnaasut assigiinngitsut, taak-kununnga ilanngullugit angajoqqaarsianut imaluunniit ulloq unnuarlu paaqqinnit-tarfinnut inissiisarnerit ikiorsiissuteqarnissamut assigiinngitsunik periarfissanik imaqarput. Ulloq unnuarlu paaqqinnittarfimmut inissiinermi angajoqqaarsianut inissiinermit meeqqap atugarissaarnissaanut ineriartornissaanullu tunngatillugu allatut iluaqusiinnaasumut sanilliullugu annertunerusumik katsorsaanermi isu-maginninnermilu suliniuteqartoqarnerusarpoq.

Peqqussummi takuneqarsinnaavoq, angajoqqaatut oqartussaassuseqartoq aamma meeraq 15-ileereersimasoq akuersiseqqaarlugit ikiorsiissutissaq meeqqap immikkut pisariaqartitsineranut naleqqunnerpaaq, tassunga ilanngullugu immikkut ikorfartorneqarnissamik aamma/imaluunniit katsorsarneqarnis-samik pisariaqartitsinermit naleqqunnerpaaq kommunalbestyrelsip toqqassa-vaa.

4. Naalackersuisut sukumiisumik pilersaaruteqarpat meeqqat inuusuttullu angerlarsimaffiup avataani inissinneqarsimasunut katsorsarneqarnis-saannut neqeroorutit pitsanngorsarnissaannut?

Ulloq unnuarlu paaqqinnittarfinni Namminersorlutik Oqartussat pigisaanni for-standerit ukiumoortumik forstanderit isumasioqatigiittarput ataatsimeersuartarlu-tillu, taakkunani ilisimasanik avitseqatigiittoqartarpoq, sulinermit atatillugu sammisat oqallissutigineqartarlutik kiisalu suliaqarfiup iluani pikkorissarnerit amerlasuutigut ilanngunneqartarlutik. Forstanderit isumasioqatigiinneranni kin-gullermi qajannaassuseq pillugu ulluni pingasuni pikkorissartoqarpoq, kingusin-nerusukkullu periarfissaritinneqarluni ulloq unnuarlu paaqqinnittarfiit sulinermit periutsinik atuutsitsilernissamut tunngatillugu ilitsersorneqarnissaat.

Paaqqinnittarfinni ataasiakkaani pikkorissaanerit paaqqinnittarfiit ataasiakkaat pisariaqartitaannut sullitaannullu naapertuuttut ingerlanneqartarput. Aamma ulloq unnuarlu paaqqinnittarfinni sulisut aqutsisullu suliatigut piginnaasaat qaf-fassarniarlugit pikkorissarneqartarnissaat pillugu Perorsaanermik Ilinniarfik su-leqatigineqarpoq.

Angajoqqaarsiaqartitsisarnermit tunngatillugu naalackersuisoqarfiup Perorsaa-nermillu Ilinniarfiup suleqatigiinnerisigut kingullermik 2014-imi angajoqqaarsiat ilinniartinneqarput.

Tassa meeqqat inuusuttullu angerlarsimaffiup avataanut inissinneqarsimasut pitsaanerusunik katsorsarneqartarnissaannut neqeroorfigineqartarnissaanullu atugassarititaasut ingerlaavartumik ullutsinnut naleqqussarneqartarput.

5. Naalackersuisut sunik aalajangersimasunik pilersaaruteqarpat meeqqat angerlarsimaffiup avataanut inissinneqartartut katsorneqarnissaannik neqeroorfigineqartarnissaannik?

Naalackersuisut isumaqarput meeqqat tamarmik nalinginnaasumik isumaginninnermi perorsaanikkut katsorsarneqarnissamik neqeroorfigineqartartut. Naalackersuisut isumaqarput meeqqat ataasiakkaat pisariaqartitaannik isumaginninnikkut nalilersuineq aallaavigalugu ikiorsiissuteqartoqartartoq. Taamatut nalilersuisarneq ingerlaavartumik ineriartortinneqassaaq.

6. Maannakkut oqartussat kikkut katsorsaanernut akiliisarpat? Namminersorlutik Oqartussaniit katsorsaanerit suut neqeroorutaappat kiisalu kommuninngaanniit qanoq annertutigisumik sunillu neqerooruteqartarpat? Naalackersuisunit ilisimaneqarpat aningaasat qanoq amerlatigisut meeqqat katsorsarneqartarneranut atorneqartarnerisut?

Meeqqanik inuusuttunillu ikiorsiisarneq pillugu inatsit naapertorlugu meeqqanut inuusuttunullu ikiorsiissutaasartut tamarmik kommuninit tamakkiisumik aningaasalersorneqartarput. Ulloq unnuarlu paaqqinnittarfinni akigititanik akiliisarnikkut matussuserneqartarput najugaqarnermi aningaasartuutit tamarmiusut, sammisaqartitsinerit, isumaginninnermi perorsaanikkut suliniutit paaqqinnittarfinnilu immikkut ittumik katsorsaalluni suliniutaasinnaasut.

Angajoqqaarsiaqartitsinermittaaq kommuninit aningaasalersorneqartarput angajoqqaarsiat meeqqallu inissinneqarsimasut tarnip pissusiinik ilisimasalinnit iki-orserneqartarnerat.

7. Naalackersuisut isumaqatiginerpaannga meeqqat angerlarsimaffiup avataanut inissinneqartartut inuunerannut annertuumik sunniuteqarnera kiisalu angerlarsimaffiup avataanut inissinneqannginnermi inissinneqarnermilu katsorsarneqarnissaannut pisariaqartitsisoqartartoq, meeqqap qanoq inissi-simanerminik paasinninnissaanut?

Naalackersuisut isumaqatigaat inissiineq meeqqap ilaqutaasalu inuunerannut annertuumik sunniuteqartartoq. Taamaammat angerlarsimaffiup avataanut inissiisoqartillugu tamatigut eqqarsarluartoqartariaqarpoq. Meeqqanut inuusuttunullu ikiorsiisarneq pillugu inatsisartut peqqussutaat naapertorlugu meeqqamut pitsaanerpaaq suliamik suliarinninnermi tamatigut qitiutinneqassaaq, suliallu ilaanni pisariaqarsinnaavoq inissiineq aqqutigalugu meeqqamik il-lersuinissaq.

Naalackersuisuttaaq isumaqatigaat sutigut tamatigut immikkut ittumik katsorsaanissamat pisariaqartitsisoqarsinnaasoq. Ullumikkut ulloq unnuarlu paaqqinnittarfinni Namminersorlutik Oqartussat pigisaanni katsorsaasoqartarpoq, Naalackersuisulli ilisimaaraat immikkut ittumik ikorfartorneqarnissamik aamma/imaluunniit katsorsarneqarnissamik periarfissat ingerlaavartumik pitsanngorsarneqarnissaannik pisariaqartitsisoqartoq.

Qulaani pineqartut tunngavigalugit immikkut ittumik perorsaanerminni ilinniartitsis-sutissatut neqeroorutinik suliniutinillu allanik suliaqarfimmi piginnaasanik qaffas-

saasussanik pilersitsinissamut Naalakkersuisut AIS 2015-mut aningaasanik qin-nuteqalersaarput.

Naggataatigut oqaatigineqassaaq, meeqqap ulloq unnuarlu paaqqinnittarfimmut inissineqannginnerani inissineqarneratalu nalaani ataasiakkaat inuttut tarnik-kullu ineriartornissaannut tunngatillugu meeqqap/inuusuttup ataavartumik sullin-neqarnissaa qitiutinneqarlunnarmat.

Inussiarnersumik inuulluaqqusillunga
Med venlig hilsen

Martha Lund Olsen